



REPUBLIKA E SHQIPËRISË
KOMISIONI I NDIHMËS SHTETËRORE

V E N D I M

Nr. 25 , datë 02.05.2008

**“PËR PLANIN E DHËNIES SË NDIHMËS SHTETËRORE PËR
PËRJASHTIMIN NGA AKCIZA TË LËNDËVE DJEGËSE, TË
PËRDORUARA PËR PRODHIMIN E ENERGJISË ELEKTRIKE NGA
TERMOCENTRALET ME FUQI MË TË MADHE SE 5MW”**

Komisioni i Ndihmës Shtetërore me pjesëmarrjen e :

- | | |
|----------------------|-----------|
| - Z. Genc Ruli | - Kryetar |
| - Znj. Mimoza Dhëmbi | - Anëtar |
| - Znj. Mimoza Vokshi | - Anëtar |
| - Znj. Ardiana Shehi | - Anëtar |

Në mbledhjen e tij të datës 02/ 05/ 2008, shqyrtoi planin e dhënien së ndihmës shtetërore “Për përjashtimin nga akciza të lëndëve djegëse, të përdorura për prodhimin e energjisë elektrike nga termocentralet me fuqi më të madhe se 5MW”, paraqitur pranë Drejtorisë së Ndihmës Shtetërore në Ministrinë e Ekonomisë, Tregtisë dhe Energjetikës nga *Drejtoria e Politikave Elektroenergjetike* në METE me shkresën nr. 9785/3 datë 29.01.2008 dhe është regjistruar në Regjistrin e DNSH-së me nr. AL/N/007/2008 datë 24.04.2008.

BAZA LIGJORE: Si bazë për dhënien e këtij përjashtimi është ligji nr. 8987 datë 24.12.2002 “Për krijimin e kushteve lehtësuese për ndërtimin e burimeve të reja të prodhimit të energjisë elektrike”, ligji nr. 9765 datë 9.07.2007 “Për disa ndryshime në ligjin 8976, datë 12.12.2002 “Për akcizat” të ndryshuar dhe VKM nr. 839, datë 05.12.2007 “Për përcaktimin e kushteve dhe procedurave për rimbursim të akcizës së paguar dhe përjashtimin nga taksa doganore për makineritë dhe pajisjet, përdorur

nga burime të prodhimit të energjisë elektrike me fuqi të instaluar jo më pak se 5MW”.

OBJEKTIVI/VAT: Skema synon të krijojë kushte lehtësuese për ndërmarrjet që ndërtojnë burime të prodhimit të energjisë elektrike me fuqi më të madhe se 5MW, nëpërmjet përdorimit të lëndëve djegëse, për të siguruar plotësimin e nevojave me energji në vend.

Komisioni i Ndhmës Shtetërore, pasi shqyrtoi raportin e përgatitur nga Drejtoria e Ndhmës Shtetërore dhe gjithë dokumentacionin mbështetës,

V Ë R E N S E:

1. Skema synon të ndihmojë ndërmarrjet që do të ndërtojnë burime të prodhimit të energjisë elektrike nga termocentralet me fuqi të instaluar jo më pak se 5MW, në formën e rimbursimit të akcizës për lëndët djegëse të përdorura nga këto ndërmarrje për nevojat e veta apo për shitje.
2. Prodhimi i brendshëm i energjisë elektrike bazohet kryesisht (në masën 97%) në burimet hidrike. Si rezultat i kushteve të vështira të motit dhe pamundësisë për të plotësuar nevojat me energji, vitet e fundit, vendi ka kaluar kriza të thella energjitike. Nëpërmjet kësaj skeme synohet të krijohen kushte lehtësuese për ndërtimin e objekteve të reja gjeneruese, duke parashikuar plotësimin e nevojave të vendit me energji, rritjen e diversitetit të burimeve të energjisë dhe zvogëlimin e vartësisë së furnizimit me energji elektrike nga kushtet e motit në vendin tonë.
3. Skema vlerësohet si një masë për të mënjeluar gjendje të rënda në ekonominë e vendit dhe që mund të zbatohet për sa kohë që nuk prek rregullat e tregtisë ndërkombëtare.
4. Skema e sugjeruar parashikohet të jepet deri në vitin 2015, që përkon me vitin e liberalizimit të tregut të energjisë, përcaktuar në Traktatin e Krijimit të Komunitetit të Energjisë.
5. Gjatë shqyrtimit të bazës ligjore, vërehet se ligji nr. 9765 datë 9.7.2007, që amendon ligjin nr. 8976, datë 12.12.2002 “Për akcizat”, ligji nr. 8987 datë 24.12.2002 “Për krijimin e kushteve lehtësuese për ndërtimin e burimeve të reja të prodhimit të energjisë elektrike”, si dhe VKM nr. 839, datë 05.12.2007, nuk e kufizojnë në mënyrë të shprehur përjashtimin vetëm tek termocentralet me fuqi të instaluar mbi 5 MW.
6. Si strukturë për ndjekjen e zbatimit të skemës është ngarkuar Agjensia

Kombëtare e Burimeve Natyrore (AKBN).

7. AKBN ka paraqitur të dhënat për 4 ndërmarrje, që aktualisht kanë mundësinë të ndërtojnë burime të prodhimit të energjisë elektrike me fuqi të instaluar jo më pak se 5MW dhe, si të tilla, mund të përfitojnë nga zbatimi i skemës. Sipas modelit dhe të dhënave të paraqitura nga AKBN, intensiteti i ndihmës shtetërore është llogaritur 23, 75%.
8. Dhënësi i ndihmës argumenton se skema nuk përdoret për burime me fuqi të instaluar më të vogël se 5 MW për arsye se ato konsiderohen jo eficiente në shfrytëzimin e lëndës djegëse.
9. Skema nuk duket se ka karakter incentivues për ndërmarrjet përfituese, në drejtim të investimeve të reja me teknologji moderne dhe eficiente në përmbushjen e kushteve mjedisore.

PËR KËTO ARSYE:

Komisioni i Ndhmës Shtetërore, mbështetur në nenin 13, shkronja b dhe nenin 22, pika 2 të ligjit nr. 9374, datë 21.4.2005 “Për Ndhmën Shtetërore”, në nenin 7 të Rregullores “Për kushtet dhe procedurat e dhënies së ndihmës rajonale”, miratuar me VKM nr. 815, datë 28.12.2005,

VENDOSI :

1. Skema e përjashtimit nga akciza për lëndët djegëse, të përdorura nga subjektet, të cilat ndërtojnë burime të prodhimit të energjisë elektrike, me fuqi të instaluar jo më pak se 5MW për burim, për nevojat e veta ose për shitje brenda vendit, duke repektuar edhe aktet e tjera normative në fuqi, të lejohet me kusht që akciza e lëndëve djegëse të përdorura të rimbursohet deri në masën 80%. Pjesa tjetër prej 20% të përballohet nga ndërmarrjet përfituese.
2. Investimet që do të përdoren për gjenerimin e energjisë duhet të jenë investime të reja, me teknologji moderne që respekton të gjitha standardet mjedisore. Ndërmarrjet janë të detyruara të lidhin marrëveshje me Ministrinë e Mjedisit dhe Ministrinë e Ekonomisë, Tregtisë dhe Energjetikës, ku të marrin përsipër përmirësimin e eficiencës së tyre për sa i takon respektimit të kushteve mjedisore.
3. Ndhma e përfituar nga kjo skemë, nëpërmjet përjashtimit nga akciza e lëndëve djegëse, nuk mund të përshtohet me asnjë formë tjetër ndihme nga çfarëdo burimi shtetëror. Në rast se ndërmarrjet përfituese në kuadër të kësaj

skeme kanë përfituar apo mendohet të përfitojnë nëpërmjet formave të tjera të ndihmës shtetërore, përfshi edhe format koncesionare apo nismën “Shqipëria 1 Euro”, Drejtoria e Politikave Elektro-Energjetike në Ministrinë e Ekonomisë, Tregtisë dhe Energjetikës duhe të kryejë njoftimin për ndihmën individuale dhe të kërkojë miratimin e KNSH.

4. AKBN, brenda datës 31 mars të çdo viti të raportojë pranë DNSH-së, për të dhënat e zbatimit e skemës së ndihmës dhe çdo ndihme individuale që mund të përftohet sipas pikës 3 të këtij vendimi, në vitin paraardhës financiar.
5. Nëse nuk përmbushen kushtet e parashikuara në pikat 1-3 të këtij vendimi, ose ndërmarrjet përfituese e keqpërdorjnë ndihmën, ato janë të detyruara të kthejnë të gjithë ndihmën e marrë, së bashku me interesat, që nga data e përfitimit të saj.
6. Ky vendim hyn në fuqi menjëherë.

K R Y E T A R I

GENC RULI